



UNIVERSITÄTS-  
BIBLIOTHEK  
PADERBORN

**Series Episcoporum Archiepiscoporum Et Electorum  
Moguntinorum, Trevirensium Et Coloniensium**

**Kolb, Gregor**

**Rottwilae, 1725**

**VD18 12054054**

Seculum II.

---

[urn:nbn:de:hbz:466:1-64326](#)

## SECULUM II.

## III. D. MATERNVS.

**Q**ualis quantusque fuerit D. Maternus, docuere jam gesta D. Eucharii superius compendio data. Coloniensibus simul & Tungriis Apostolus missus, vitam vixit Apostolicam, & vivere docuit Christianam. Annis tot vixit Episcopus, quot diebus in sepulchro delituit, mortuus nimirum 40. Año itaque alterius Seculi 28. dum Coloniae in cœlos evolavit beata anima, corpus miraculis conspicuum Coloniâ Treviros ascendit, ut quos Deus conjunxit inter vivos, mors non separaret inter mortuos.

## IV. D. AVSPICIVS.

**D.** Materno in Sede Trevirense successisse D. Auspicium, Author & testis est Methodius, cuius testimonio persuasi Martyrem dicimus, & testanti Ecclesiæ credimus; quo autem mortis genere aut tempore mortem Martyr gloriosus vicerit, ignoramus.

## V. D. CELSVS.

**P**ost S. Auspicium felici sorte auspicatus Episcopatum Trevirensem S. Celsus feliciori morte finiit: postquam vide licet non nisi 13. annis, cum multis jam Christianorum hostibus, armis certavit sacris, inter Martyres Dux stetit, dum cecidit an. 142. 23. Februarii. Seculo dein X. ejusdem reliquias Egbertus Archipræsul laudatissimus è sepulchro eruit, atque in editiori loco collocavit, quibus debitum suum honorem exhibendum esse suaserunt miracula, nimirum & odor & ignis cœlestis, cùm hic illæsas servaret, ille infirmis vires & spiritum daret.

VI.

## VI. D. FELIX.

**A**ntonius cognomento Pius Imperator imperavit, dum S. Felix Trevirensem Ecclesiam Episcopus gubernavit, pacis tempore multis recreatus animarum fructibus: semen namque Romanæ Fidei, authore etiam D. Felice per Germaniam & Galliam longè latèque spargebatur D. Pio Pontifice, ut id fieret, plurimùm hortante, & uberem benedictionem impertiente. Quin ut augeretur semen, sanguinem suum fuderunt & Pius & Felix, dum Marcus Aurelius, aut verius frater Lucius Verus præfides suos Christianorum hostes acerrimos per provincias Romanas vigiliarum, inquisitorum & tortorum more distribuit & collocavit, ut Christianorum aras everterent, & severissimas pœnas de earundem præsertim authoribus exigerent. Lucio Vero succendentibus tyrannis pluribus, tametsi Episcoporum Trevirensum aliorūmque Series non sit interrupta, de gestis tamen & eorundem annis haud constat satis; unde solis Episcoporum nominibus Lectorem oportet esse contentum.

VII. S. MANSUETUS.

VIII. CLEMENS.

IX. MOYES.

X. S. MARTINUS M.

## S E C U L U M III.

XI. ANASTASIUS.

XII. ANDREAS.

XIII. RUSTICUS L.

XIV.